

Angallatini inuussutissarsiutaasuni minnerni 12-inik ilaasoqartartuni inuttat pillugit aalajangersaaneq pillugu nalunaarut

Umiarsuarni inuttat pillugit inatsimmi § 4, imm. 2, § 18, imm. 2, aamma § 27, imm. 3, tak. inatsimmut nalunaarut nr. 74, 17. januar 2014-imeersoq, aamma umiarsuarni inuttat pillugit inatsisip Kalaallit Nunaanni atuutilersinneqarnissaa pillugu peqqussummi nr. 608, 25. juni 2001-im § 4, imm. 2, § 18, imm. 2, aamma § 27, imm. 2 malillugit, aalajangersarneqarpoq:

Kapitali 1 *Atuuffia il. il.*

§ 1. Nalunaarummi angallatini inuussutissarsiutaasuni inuttat aalajangersarneqarput, tassunga ilatigillugit angallatit qisummik qangatut sananeqarsimasut aamma angallatit maskiinaqaratik ingerlasartut, kiisalu kalaallit aalisariutitut angallataat, inuussutissarsiutigalugu suliffeqarfeqarnermut atatillugu nunagisap imartaani ilaasunik 12-inik angallassinermut atorineqartartut, aamma

- 1) 15 meterit ataallugu takissusillit,
- 2) angallatinut 100 ataallugit annertussutsip uuttuutaanut kisitsisillit, aamma
- 3) 750 kW ataallugu siumut ingerlatinneqartartut.

Kapitali 2 *Angallatit 20-nik sinnerlugilluunniit annertussutsip uuttuutaanut kisitsisillit aamma imaluunniit 100 kW-imik sinnerlugilluunniit siumut ingerlatinneqartartut*

§ 2. Angallatit 20-nik sinnerlugilluunniit annertussutsip uuttuutaanut kisitsisilinnut aamma imaluunniit 100 kW-inik sinnerlugilluunniit siumut ingerlatinneqartartunut inuttat minnerpaamik marluussapput, tassaasut angallatip naalagaa ataaseq aamma inuttaq ataaseq.

Imm. 2. Angallatit arlallit umiartornertik ataqatigiissaarpasuk, taamaalillutik erniinnartumik pisariaqartinneqartumik imminnut ikiorsinnaallutik, angallatini ataasiakkaani ataasiinnarmik inuttaqarsinnaapput.

§ 3. Angallatini ilisimasortanik assartuisartuni nuussisartunilu inuttat minnerpaamik marluussapput, tassaasut angallatip naalagaa ataaseq aamma inuttaq ataaseq, angallatit 20-nik sinnerlugilluunniit annertussutsip uuttuutaanut kisitsisilinnut aamma imaluunniit 100 kW-inik sinnerlugilluunniit siumut ingerlatitsissuteqartarpata.

Imm. 2. Inuttat angallatip naalagaanut ataatsimut killilernerqarsinnaavoq, angallat taamaallaat ilisimasortanik assartuisarnermut nuussisarnermullu atorineqartarpat, umiarsuaateqarfiup qulakkeersimappagu ilisimasortamik nuussineq isumanaatsumik ingerlanneqarsinnaasoq, matumani piumasaqaatit tulluuttut piviusunnigortinneqarsimallutik:

- 1) Angallat ilisimasortanik imaani nuussinissamut tulluurtuussaaq.
- 2) Angallat inummit ataatsimit atorineqarnissamut immikkut ittumik atortulersorneqarsimappat, matumani naammattumik tamakkerlugu isiginnissinnaassuseqarpat aamma peqatigitillugu imarmut nakkartoqartillugu annaassiniarnissamut periarfissaqarpat.
- 3) Pissutsinik taamaattunik atugassaqartinneqarluni angallatip naalagaata angallat aqussinnaassavaa aamma peqatigitillugu imarmut nakkarsimasunik sukkasuumik annaassiniarsinnaassalluni.
- 4) Ilisimasortaq angallat pillugu ilisimasaqarluassaaq aamma nammineq isumannaatsuunerminik isumaginissinaassalluni.

- 5) Navianaatinut nalilersuineq pigineqassaq, tassani silap, anorip, mallit pissusaannut annertunerpaaffissatut sinaakktissat aamma ilisimasortanik nuussinermut atatillugu pissutsit allat atuuttut aalajangersarneqarsimassallutik.
- 6) Piumasaqaatit aamma tunngaviit, taama umiartornermut tunngaviutinneqartut, umiarsuaatileqatigiiffimmi ilanngunneqarsimappata aamma isumannaallisaanermut ilitsersuummi allassimasumi aalajangersarneqarsimappata.

Imm. 3. Søfartsstyrelsenip piumasaqaatigisinnaavaa, isumannaallisaanermut ilitsersuummi pissutsit aalajangersarneqarsimasut atuuttut malillugit annaassiniarnermik pisuusaartitsilluni takutitsineq ingerlanneqassasoq.

§ 4. Angallatip naalagaa aamma inuttaa, tamarmik 18-ileereersimassapput, nasissinnaassallutik aamma umiarsuarni Danmarkimi angerlarsimaffeqartunut atuuttumik peqqissutsimut uppersaateqassallutik angallatip umiartorfianut aamma suliaanut naapertuuttumik. Umiarsuarnut Kalaallit Nunaanni angerlarsimaffeqartunut peqqissutsimut uppersaateqarnissamik piumasaqaat atuutinngilaq.

Imm. 2. Angallatip naalagaa imm. 1-imut ilassutitut, angallat pineqartoq pillugu ilisimasaqarluassaaq aamma angallammik umiartornermut misilittagaqarluassalluni aamma tulliuttunik piginnaasaqassalluni,

- 1) Minnerpaamik, umiarsuarnut niuffagiutinut atuuttumik umiartorsinnaanermut allagartaqassaaq. Umiarsuarnut aalisariutinut Kalaallit Nunaanni angerlarsimaffeqartunut umiarsuarni aalisariutini bestemanditut uppersaateqarneq tassunga taarsiullugu atornerqarsinnaavoq.
- 2) Radiolerisutut (radiooperatør) atuuttumik akuersissuteqarneq angallatip radioanut atortuunut naleqquttuussaaq.
- 3) Nappaatinik suliarinnissinnaasutut atuuttumik uppersaateqarneq, ukununga naleqquttunik,
 - a) angallammiittumi nakorsaataasivimmut, imaluunniit
 - b) angallatinut, nakorsaataasiveqarnissamut piumasaqaatitaqanngitsunut, Dansk Førstehjælpsrådip angallatini minnerni aamma imaani timersornermut atatillugu imaluunniit assingusunut ikiueqqaarnermut pikkorissartitsinera¹ naapertorlugu.

Imm. 3. Inuttaq imm. 1-imut ilassutitut, ima suliaqarsinnaalersillugu ilitsersorneqarsimassaaq aamma ima suliaqarsinnaassaaq:

- 1) Angallammik aqutsisinnaassaaq.
- 2) Angallatip radiomut atortuunik atuisinnaassaaq.
- 3) Angallatip annanniutaanik qatserutaanillu atuisinnaassaaq aamma isumaginnissinnaassalluni.
- 4) Ilaasut isumagineqarneqarnerannut ikiuussinnaassaaq.

Imm. 4. Imm. 2, nr. 1-imi umiarsuarnik niuffagiutinik umiartorsinnaanermut allagartat atuuttut piumasaqaataasut, immikkut ittumik killilimmik pisinnaatitaaffeqartitsisumik imaani inuussutissarsiuteqarnermut uppersaammik taarserneqarsinnaapput, Søfartsstyrelsenimit akuersissutaasimasumik umiarsuarnut niuffagiutinut imaluunniit umiarsuarnut aalisariutinut teori-tikiusumik umiartorsinnaanermut allagartamik angusisimanermut uppersaatait tunuliaqutaralugit, aamma,

- 1) angallatini assingusuni minnerpaamik qaammatini pingasuni umiartorsimanermut misilittagaqarneq, aamma angallammi ikuallattoqarpat innermik qamitsinermut atortussat pillugit naammassillugu ilitsersorneqarsimaneq aamma imarsiornermut tunngasumik ilinniarfimmi imaluunniit imarsiornermut tunngasunik atuarfimmi allami, imarsiornermut ilinniarfinnut il. il. akuersineq aamma pitsaassutsimik qulakkeerinneq pillugu nalunarummi akuerineqarsimasumik, imarsiornermi ilinniarfinni tunngaviusumik immami isumannaallisaaneq pillugu pikkorissarsimaneq, imaluunniit
- 2) Søfartsstyrelsenimit akuerisaasup inuup eqqaani angallammiitilluni, angallammik annertuumik aqutsineq motorimillu ingerlatsisinnaanermik misilitsilluni angusisimaneq, angallammi ikuallattoqarpat innermik qamitsinermut atortussat pillugit naammassillugu ilitsersorneqarsimaneq, aamma imarsiornermut tunngasumik ilinniarfimmi imaluunniit imarsiornermut tunngasunik atuarfimmi allami, imarsiornermut ilinniarfinnut il. il. akuersineq

1 Dansk Førstehjælpsrådip nittartagaani allaaserinnineq nassaarineqarsinnaavoq.

aamma pitsaassutsimik qulakkeerinnineq pillugu nalunarummi akuerineqarsimasumik, imarsiornermi ilinniarfinni tunngaviumik imaani isumannaallisaaneq pillugu pikkorissarsimaneq.

Imm. 5. Angallatini 100 kW-inik sinnerlugilluunniit siumut ingerlatinneqartartuni inuttat ilaat motorinik paarsisinaanermut atuuttumik allagartaqassaaq imaluunniit uppersaateqassalluni, taanna angallatip motorianut(-riinut) isumannaallisaanermt, aserfallatsaaliinermt ingerlatsisinaanermullu naammassinnilluni assingusumik pikkorissartinneqarsimasooq aamma sungiusarneqarsimasooq.

Imm. 6. Inuttat allat, § 2, imm. 1 malillugu aalajangersarneqarsimasut, tulliuttut piviusunngortissimassavaat:

1) 18-ileereersimassapput.

2) Angallatip angallaviinut suliaanullu naleqquttumik atuuttumillu peqqissutsimut uppersaateqassapput.

3) Angallatip annanniutaanik aamma ikuallattoqarpat innermik qamitsinermt atortussaanic atuisinaanermut passussisinaanermullu ilitserorneqarsimassapput taakkuninngalu atuisinnaassallutik.

4) Ilaasumik isumaginnissinaanermut ilitserorneqarsimassapput aamma ilaasut isumagineqarnerannut ikuisinnaassuseqassallutik.

Kapitali 3

Angallatit 20-it ataallugit annertussutsip uuttuutaanut kisitsisillit

§ 5. Angallatit 20 ataallugu annertussutsip uuttuutaanut kisitsisillit ima inuttalerneqassapput, umiartornermi suliassat aamma suliassat isumannaallisaanikkut aamma peqqissutsikkut illersorneqarsinnaasumik ingerlanneqarsinnaalertillugit aamma minnerpaamik inuttaq angallammut naalagaassaaq.

Imm. 2. Angallatip naalagaa 18-ileereersimassaaq, angallammut pineqartumut annertuumik aamma pisariaqartinneqartumik umiartornermt misilittagaqassalluni, aamma:

1) Makkua attuumassuteqartillugit pisariaqartumik ilisimasaqarfigissavai

a) imaani aqutinut malittarisassat,

b) umiartorfimmi naleqquttumi umiarsuarmik aqutsisinnaaneq,

c) ikuallattoornissamik pitsaaliuineq aamma ikuallattoqarpat innermik qamitsinermt atortussaanic atuisinnaaneq,

d) annanniutit aamma taakkua atorsinnaaneri,

e) angallatit orrajaassusaat,

f) imaani isumannaallisaaneq,

g) immap avatangiisaanic illersuineq aamma

h) angallatit minnerit maskiinai

2) Radiolerisutut allagartaqassaaq atuuttumik, angallammi atortunut naleqquttumik.

3) Nappaatinik katsorsaasinnaasutut uppersaateqassaaq atuuttumik, ukununga tulluuttumik

a) angallammi nakorsaataasivimmut, imaluunniit

b) angallatinut, nakorsaataasiveqarnissaanut piumasqaatitaqanngitsunut, Dansk Førstehjælpsrådip angallatini minnerni aamma imaani timersornermt atatillugu imaluunniit assingusunut

ikiueqqaarnermt pikkorissartitsinera² naapertorlugu.

Imm. 3. Angallatip naalagaata saniatigut 18-ileereersimasunik inuttaqassaaq aamma tamanna naleqqutsillugu taakkua angallatip annanniutaanut aamma angallammi ikuallattoqarpat innermik qamitsinermt atortussat isumaginnissaannut ilitserorneqarsimasapput, kiisalu angallammik aqutsisinaanermut ilitserorneqarsimassallutik.

Kapitali 4

Angallatit umiartornermt ilinniarfittut atorineqartartut

§ 6. Angallatit, inummut ataatsimut arlalinnulluunniit angallammiillutik angallatip pineqartup assingatut ittumik umiartorsinnaanermut misilitsinneqarnissami angusinissaq siunertaralugu umiartornermut ilinniarfittut atorpeqartartut, inuttaqassapput umiartornermi aamma suliassanik, isumannaallisaanikkut peqqissutsikkullu illersorneqarsinnaasumik tamanik ingerlatsisinnaasunik.

Imm. 2. Angallat minnerpaamik angallatip naalagaanik ilinniarsimasumik inuttalerneqassaaq, taanna ilinniaritsinermi pineqartut pillugit piginnaasaqassaaq aamma piukkunnaateqassalluni.

Kapitali 5

Pillaatissat aamma atuutilersitsineq

§ 7. Inuk §§ 2-miit 6-imut unioqquutitsisoq akiligassinneqarluni pillarneqassaaq.

Imm. 2. Ingerlatseqatigiiffiit il. il. (inatsisitigut pisinnaatitaasut pisussaataasullu) Kalaallit Nunaanni pinerluttulerinermi inatsimmi kapitali 5-imi malittarisassat malillugit pillaneq pillugu akisussaatinneqarsinnaapput.

§ 8. Pisoq umiarsuarni inuttat pillugit inatsisip Kalaallit Nunaanni atuutilersinneqarnissaa pillugu peqqussummi ilaatinneqarpat, Kalaallit Nunaanni pinerluttulerinermit inatsit malillugu pineqaatissiisoqarsinnaavoq.

Imm. 2. Ingerlatseqatigiiffiit il. il. (inatsisitigut pisinnaatitaasut pisussaataasullu) unioqquutitsisimappata, inatsisitigut pisinnaatitaasut pisussaataasullu akiligassinneqarlutik akisussaatinneqarsinnaapput. Nalagaaffik, Namminersorlutik Oqartussat, kommuni, kommunalbestyrelsi aamma nunaqarfinni aqutsisut unioqquutitsisimappat/-pata, pisortat oqartussa qarfiat pineqartoq akiligassinneqarluni akisussaatinneqarsinnaavoq.

Imm. 3. Pineqartoq Kalaallit Nunaanni najugaqanngippat imaluunniit pineqartoq inuiaqatigiinnut kalaallinut atassuteqarnera annikitsuinnaappat, Kalaallillu Nunaanni pinerluttulerinermi inatsimmi pineqaatissiissutissat atornissaannut tungavissaqanngippat, suliaq Danmarkimi suliassanngortinneqarsinnaavoq imaluunniit malersugassanngortinneqarnissaa innersuussutigineqarsinnaalluni, tak. Kalaallit Nunaanni pinerluttulerinermi inatsimmi § 7.

§ 9. Nalunaarut atuutilissaaq ulloq 1. januar 2025.

Imm. 2. Angallatinut inuussutissarsiutaasunut minnernut aamma Kalaallit Nunaanni aalisariutinut ilaasut 12-it angullugit ilaasoqartartunut Danmarkimi aamma Kalaalli Nunaata sineriaani angalasunut inuttat pillugit aalajangersaaneq pillugu nalunaarut nr. 233, 5. marts 2015-imeersoq, atorunnaarsinneqarpoq.

[Søfartsstyrelseni, ulloq xx. xxxx 2024

Atsiortoq

Atsiortoq 2]